

唐道宣律師撰

三寶 感通錄



佛陀教育基金會 印贈

唐道宣律師 著

三寶感通錄

佛陀教育基金會 印贈

佛曆二五五二年／西元二〇〇八年十一月

恭印二〇〇本

CH282-7556

普爲出資及讀誦受持
輾轉流通者同向偈曰

三寶感通錄

發行人：林國營

出版者：財團法人佛陀教育基金會

地址：100 台北市杭州南路一段五十五號十一樓

網址：<http://www.budaedu.org>

E-mail：budaedu@budaedu.org

電話：(02) 2395-1198 傳真：(02) 2391-1341

手機行動上網網址：<http://budaedu.emome.net>

劃撥戶名：財團法人佛陀教育基金會 郵局劃撥帳號：〇七六九四九七九

銀行名稱：台北富邦銀行東門分行（請於電匯或轉帳後告知本會用途）

銀行帳號：五八〇二二〇一一九三三三

本會經書免費結緣之請取方式如下：

(一) 親臨本會三樓講堂。(二) 利用傳真：(02) 23959595

(三) 撥打電話：(02) 23951198 分機：11、12、13

(四) 網址：<http://www.budaedu.org/books/>。(五) 寫信指定：本會法寶流通股。

爲提高服務效率，請您嚴謹考量，慎選所需經書；儘量少用電話，多利用文字方式請取，並請詳寫經書名稱、冊數及收件人姓名、地址、電話、郵遞區號，以減少本會之處理時間；若大量申請，請註明用途，且避免姓名、地址等文字上書寫之錯誤。

◎本會經書，歡迎翻印（請勿增刪），贈送流通，功德無量。

◎本會交通：

※捷運：善導寺站5號出口，至杭州南路右轉，過兩個紅綠燈。

※公車站牌：審計部站→212、299、232、205、276、605、257、262

台北商業技術學院→253、297、237 仁愛路二段→222、297

開南商工→208、295、297、0南、15、22、671

行政院新聞局出版事業登記證局版臺業字第三八六九號

願以此功德
消除宿現業
增長諸福慧
圓成勝善根
所有刀兵劫
及與饑饉等
悉皆盡滅除
人各習禮讓
讀誦受持人
輾轉流通者
現眷咸安樂
先亡獲超昇
風雨常調順
人民悉康寧
法界諸含識
同證無上道

集神州塔寺三寶感通錄卷第一

唐 終南山 釋道宣 撰

夫三寶利見其來久矣。但以信毀相競。故有感應之緣。自漢洎唐年餘六百。靈相胥響。羣錄可尋。而神化無方。待機而扣。光瑞出沒。開信於一時。景象垂容。陳迹於萬代。或見於既往。或顯於將來。昭彰於道俗。生信於迷悟。故撮舉其要。三卷成一部云。

初明舍利表塔

次列靈像垂降

後引聖寺瑞經神僧

第一舍利表塔

凡二十緣

舍利表塔者。昔如來行乞。有童子戲於路側。以沙土爲米麵。逆請以土麵奉佛。因爲受之。命侍者以爲土漿塗佛住房。足徧南面。記曰。此童子者。吾滅度後一百年。王閻浮提空中。地下四十里內。所有鬼神並皆臣屬。開前八塔所獲舍利。於一日夜役諸鬼神。造八萬四千塔。廣如眾經。故不備載。此土卽州之東境。故塔現不足以疑。舍利西梵天言。此云骨身也。

恐濫凡夫之骨。故依本名而列之。

西晉會稽鄞縣塔緣第一

西晉會稽鄞縣塔者。今在越州東二百七十里鄞縣

界東去海四十里。在縣東南七十里。南去吳村二十五里。案前傳云。晉太康二年。有并州離石人劉薩何者。生在畋家。弋獵爲業。得病死。甦見一梵僧語何曰。汝罪重。應入地獄。吾愍汝無識。且放。今洛下齊城丹陽會稽。并有古塔。及浮江石像。悉阿育王所造。可勤求禮懺。得免此苦。旣醒之後。改革前習。出家學道。更名慧達。如言南行。至會稽海畔山澤。處處求覓。莫識基緒。達悲塞煩惋。投告無地。忽於中夜。聞土下鐘聲。卽遷記其處。剡木爲刹。三日間。忽寶塔及舍利從地涌出。靈塔相狀。青色似石而非石。高一尺四寸。方七

寸五層露盤似西域于闐所造面開窗子四周天全中懸銅磬每有鐘聲疑此磬也繞塔身上並是諸佛菩薩金剛聖僧雜類等像狀極微細瞬目注睛乃有百千像現面目手足咸具備焉斯可謂神功聖迹非人智所及也今在大木塔內於八王日昇巡邑里見者莫不下拜念佛其舍利者在木塔底其塔左側多有古迹塔側諸暨縣越舊都之地以句章對鄞剡等四縣爲之諸暨東北一百七里大部鄉有古越城周迴三里地記云越之中葉在此爲都離宮別館遺基尚在悉生豫章多在門階之側行伍相當森聳可愛

風雨晦朔猶聞鐘磬之聲。百姓至今多懷肅敬。其迹繁矣。諸暨西北百里。新義鄉有許公巖。地誌云。晉時高陽許詢字玄度。與沙門支道林爲友。每相從。歷覽山水。至此乃棲焉。晉辟度爲司徒掾。徵不就。後詣建業。見者傾都。劉恢爲丹陽尹。有名當世。日數造之。歎曰。今見許公。使我遂爲輕薄。京尹於郡立齋以處之。至於梁代。此屋猶在。許掾旣反。劉尹嘗至其齋。曰。清風朗月。何嘗不恆思玄度矣。句章縣西南一百三十里。明鄉有四明天台。赤城瀑布等山。天下稱最。東北百四十里。有沙塘道。廣數丈。入海百餘里。地記云。是

秦皇追安期先生於蓬萊。至深而息。故此塘道至今
宛然。鄞縣古城在句章東三百餘里。昔閩越所都。其
靈塔卽縣界。孝義鄉也。地誌云。阿育王造八萬四千
塔。此其一也。宋會稽內史孟顗修理之。山有石坎。方
可三尺。水味清淳。冬溫夏冷。輿地誌云。阿育王釋迦
弟子。能役鬼神。一日夜於天下造佛骨寶塔八萬四
千。皆從地出。案晉沙門竺慧達云。東方兩塔。一在於
此。一在彭城。今秣陵長干。又是其一。則有三矣。今以
經驗億家一塔。計此東夏理多不疑。且見楊越卽有
二塔。廣袤九城。故有之焉。會稽記云。東晉丞相王導

云初過江時。有道人神彩不凡。言從海來相造。昔與育王共遊鄮縣。下真舍利起塔鎮之。育王與諸真人。捧塔飛行。虛空入海。諸弟子攀引。一時俱墮。化爲烏石。石猶人形。其塔在鐵圍山也。太守褚府君云。海行者。述島上有聚烏石。作道人形。頗有衣服。褚令鑿取。將視之。石文悉如袈裟之狀。東海不遠。島上是徐偃王避地之處。宮郭古基宛然。昔周穆西巡。登崑崙山。偃王乃有統焉。穆王聞之。馳還。日行萬里。偃王避之。於此。晉孫恩作逆。寄仙妖以惑眾。築城自衛。其處猶存。梁視普通三年。重其古迹。建木浮圖。堂殿房廊。周

環備滿。號阿育王寺。四面山繞林竹葱翠。華卉閒發。飛走相娛。實閑放者之佳地。有碑頌之。著作郎顧胤祖文寺東南三十五里。山上有佛右足跡。寺東北二里。山頭有佛左足跡。二所現於石上。莫測其先。寺北二里有聖井。其實深池。鰻魚俗號爲魚菩薩也。人至井所禮拜。魚隨出來。賊過僞禮。魚出賊便以刀斫之。因斷魚尾。自爾潛隱。魚不時出。有至心邀請禮拜者。但噴水而已。初有一僧聞塔來禮。處所荒涼。恃食爲難。有一老姥患脚。來爲造食便去。如是怪之。去後私尋。乃入池內據量。卽魚所化也。其塔靈異。往往不一。

大略爲瑞多現。聖僧繞塔行道。每夕然燈於光影中。現行在壁旋轉而行。且列數條。多則詞費。

貞觀十九年。敏法師者。禹穴道勝。歷覽聖迹。依然動神。領徒數百。來寺一月。敷講經論。士俗咸會。夜中有人見梵僧百餘。繞塔行道。以事告眾。寺僧曰。此事常有不足可怪。自古至今。四大良日。遠近來寺建齋樹福。然於夜中。每見梵僧行道誦經。讚頌等相。

永徽元年。會稽處士張太玄。於寺禮誦沙門智悅。獨與太玄連牀而寢。半夜聞誦金剛般若。了了分明。二人靜聽。形心欣泰。乃至誦訖。然契其相。若真尋視。無

形明知神授矣。

東晉金陵長干塔緣第二

東晉金陵長干塔者。今在潤州江甯縣。故揚都朱雀門南。古越城東廢長干寺內。昔西晉末統江南。是稱吳國。於長干舊里有古塔地。卽育王所構也。依於邑里。旣崩子亮立。孫綝執政。五鳳中毀除佛寺。此塔同湮而舍利潛地。吳平之後。諸僧頗依。故處而居。起塔三層。旣不得舊塔之基。事迹蕪沒。莫之或識。至東晉咸安二年。簡文立塔三層。孝武上金相輪露盤。冥祥記云。簡文有意興構。未遂而崩。卽三層之塔。疑是先

立至孝武太元末。有并州西河沙門劉慧達。本名薩何。見於僧傳。來尋古塔。莫知其地。乃登越城四望。獨見長干有異氣。便往禮拜而居焉。時於昏夕。每有光明。遷記其處。掘之入地丈許。得三石碑。長六尺。中央一碑鑿開方孔。內有鐵銀金三函相重。於金函內有三舍利。光明映徹。及爪甲一枚。又有一髮。申可數尺。放則成螺。光彩照曜。咸以爲育王之所藏也。卽徙就塔北。更築一塔。孝武加爲三層。故寺有兩塔。西邊是育王古塔也。丹陽尹王雅奉五斗米。道常謂宜黜佛法。除毀塔寺。其日下詔。令會稽王道子將雅觀焉。時

沙門正行舍利。至雅撥翻其鉢而舍利附於器內。終不墜落。王更貯清水燔香。咒曰。王丹陽酷不信法。世尊威靈願有以示。應聲光明煥然騰發。雅自此後雖未能精至。終身不復誣訾佛法。梁大同中。月犯五車老人星。見。改造長干寺。阿育王塔出舍利髮爪。天子幸寺。設大無礙法會。下詔曰。天地盈虛與時消息。萬物不得齊其蠢生。二儀不得恆其覆載。故勞逸異年。懽慘殊日。去歲失稔。斗粟貴騰。民在困窮。運臻斯濫。原情察理。或有可矜。下車問罪。聞諸往誥。責歸元首。實在朕躬。若皆以法繩。則自新無路。書不云乎。有殺

不辜甯失不經。易曰：隨時之義大矣哉。今真形舍利復見於世，逢希有之事，起難遭之想。今出阿育王寺，設無礙會。耆年童齒，莫不欣悅。如積飢得食，如久別見親。幽顯歸心，遠近顙仰。士女覆布冠，蓋雲集。同時布德允叶人靈。凡天下罪無輕重，皆赦除之。今潤州江甯故基，但有甌基三層，并刹佛殿。餘則榛木荒叢，非人所涉。示是古基而已。頻有大蟲發塔基者，多自死。而草深人希，惟有惡獸於中產育，或銜鹿而血汗塔者，尋被打撲，號叫驚人。今去永安坊張侯橋南一里，余本住京師曲池日嚴寺。寺卽隋煬所造，首在晉

蕃作鎮淮海。京寺有塔未安舍利。乃發長干寺塔下取之入京。埋於日嚴塔下。施銘於上。于時江南大德五十餘人。咸言京師塔下舍利非育王者。育王者乃長干本寺。而不測其是非也。至武德七年。日嚴寺廢。僧徒散配。房宇官收。惟舍利塔無人守護。寺撫屬官事須移徙。余師徒十人配住崇義。乃發掘塔下得舍利三枚。白色光明大如黍米。并爪一枚。少有黃色。并白髮數十餘。有雜寶瑠璃古器等。總以大銅函盛之。檢無螺髮。又疑爪黃而小。如人者。尋佛倍人爪赤銅色。今則不爾。乃將至崇義寺佛堂西南塔下。依舊以